

冠軍

〈一叢花·賞梅〉

方富永

暗香微度透疏林。攜伴愜
清吟。橫斜掩映傳春信。
歷風雪、洗盡塵襟。東閣
縱懷。羅浮入夢。幽境漫
相尋。魂消玉骨總難
禁。月下醉花陰。頻年記
取松筠約。聽流水、分付
遙岑。紅萼寄情。白頭重
見。猶解歲寒心。

亞軍

〈一叢花·水仙〉

范逸文

瑤簪斜插紺雲傾。羅襪暗
塵生。芳姿綽約相逢處。
怎消得、洛浦多情。愁結
慧根。香傳臘蕊。仙韻自
娉婷。江皋閑立照雙
清。無語問湘靈。風前解
佩凌波去。怕孤負、羣弟
梅兄。珠露沁寒。疏煙催
暖。春意總難明。

季軍

〈一叢花·鄉夢〉

葉蘭英

重圓鄉夢過城東。桑梓倍
情濃。紅牆碧瓦依稀認。
倚闌望、人去樓空。蒼狗
白雲。沈思枕石。巖畔水
淙淙。青山依舊霧煙
籠。休箇問行蹤。通幽曲
徑人非昨。更何況、知己
難逢。棲鳳碧梧。藏鴉古
剎。征雁掠長空。

*優異獎

〈一叢花·七夕〉

吳嘉慧

發星暗墜鵲橋寒。殘雨鎖
金鑾。憑誰再續長生願。
拜新月、冷落紅顏。猶記
去時。瑤階夜語。銀漢共
嬋娟。人間幾見擘金
鈿。今夕最幽單。佳期秀
靨娉婷在。碧痕撲、秋扇
團圓。餘恨滿襟。長門獨
坐。宮闕已闌珊。

〈一叢花·詠電腦〉

郭維華

神遊熒幕接天涯。滄海匯
流沙。關河一瞬通千里。
鍵蹄踏、鮫市煙霞。魚雁
瞥傳。情絲結網。覆蓋萬
人家。隔空尋侶話桑
麻。咫尺逐輕車。歌臺舞
榭浮光現。列新秀、攬轡
觀花。倏忽百年。朱顏易
改。彈指換韶華。

〈一叢花·賞櫻〉

傅碧玉

古都三月水溶溶。沿岸踏
青蔥。傾城盡道春歸早。
艷陽暖、催綻芳叢。嬌蕊
素姿。纖纖粉黛。含露怯
東風。旋開旋落總成
空。遺恨幾時窮。年來無
限傷心事。且拋卻、乘興
千盅。花海酒鄉。最宜頻
到。香瓣映酡紅。

〈一叢花·遊興〉

黃以芍

青山山外又青山。飛鳥翠
嵐間。誰教詩叟拖藜杖。
是溪澗、九曲三彎。曉日
散霞。危梢垂露。風起乍
春寒。層層叢樹路迴
環。薄霧淡峰巒。那能策
蹇穿林去。陟高絕、放眼
天寬。巖畔野雲。松間幽
鶴。相與共盤桓。

〈一叢花·遊肇慶貞山六祖寺〉

黃專修

貞岷初上雨餘天。隔樹聽
流泉。門開方便迎依止。
摩鐫柱、篆認長聯。盧祖
暫藏。曹溪未竭。勝地紀
因緣。蒲牢斷續破寒
煙。倍覺利名纏。本來無
物誰參透。花香裡、翠竹
叢邊。梵唄遠聞。點頭處
處。風動一池蓮。

*特別獎

〈一叢花·過西九龍文娛藝術區空地〉

李裕韜

巴歌羞唱效風流。宏策久
籌謀。華堂博物羅今古。
覽瑰寶、美不勝收。仙韻
玉笙。霓裳舞曲。神往幾
春秋。輿情諮議聒難
休。枰局弈從頭。雷車蔽
路揚塵走。旅人至、闌闌
喧遊。依舊亂蕪。漸遷光
景。霾霧隱岑樓。

〈一叢花·遊無錫三國城〉

潘江鯤

花洲誰謂布兵戎。旌旆蔽
長空。江山半壁征塵暗。
紫城寨、金甲黃弓。烽火
漫天。初聽擊鼓。聲震太
湖東。佳人甘露意融
融。攜手入瑤宮。孫劉幸
賴長江險。破曹陣、千古
奇功。秋色夕陽。七星壇
上。猶憶借東風。

*排名按姓氏筆劃序

第二十屆全港詩詞創作比賽—填詞

獲獎作品

公共圖書館自一九九一年開始，每年均舉辦「全港詩詞創作比賽」，宗旨為提高市民之中國語文運用及韻文欣賞的能力。比賽分學生組及公開組，以單年比詩，雙年比詞的形式進行。「全港詩詞創作比賽」舉行至今，剛好是第二十屆。在過去廿載，比賽獲得市民大眾的廣泛支持與積極參與。同時，透過比賽亦凝聚了一群詩詞愛好者，以詩詞會友，互相切磋與交流。可見「全港詩詞創作比賽」推動了古典詩詞寫作的風氣，每年的比賽更是本地詩詞文壇的一項盛事。

今屆比賽為第十度的「填詞比賽」，詞牌為〈一叢花〉，題材則由參賽者自定。在六百多份參賽作品中，學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員何文匯教授、周錫靚教授、陳志清教授、黃坤堯教授及劉衛林教授須經反覆討論，才能決定名次。為確保評選公正，整個評審過程採用糊名方式進行。評判團更會約見學生組入選參賽者，並要求入選者即席對聯，才定出優勝作品。

學生組

冠軍

〈一叢花·讀石頭記有感〉

鄧頌天

皇仁書院

幾生忘飲孟婆湯。教我恁
清狂。還歌一曲紅樓夢。
那消得、寸斷柔腸。猶見
淚痕。前盟須記。應是枉
情長。朝醒暮醉更何
妨。甘露作瓊漿。誰人佇
立西風裡。為君故。慣對
淒涼。遙想葬花。蒼天偏
妒。不使玉成雙。

亞軍

〈一叢花·孔明燈〉

黃照

香港專上學院

茫茫玉宇盡繁星。眉月照
三更。清風肯伴宵長寂。
佇欄看、欲到天明。芳草
岸前。長堤柳畔。飄舞是
華燈。回眸多少去冥
冥。千古逐雲輕。可憐誰
曉當年事。憶諸葛。緣困
孤城。空嘆九州。凶災不
斷。一盞佑蒼生。

季軍

〈一叢花·月夜詠白海棠〉

余倩倩

香港樹仁大學

芳姿素色吐清芬。冰影玉
為魂。枝斜似倦花猶睡。
夢酣處、月朗風勻。孤漏
滴輕。伊人醉醒。霜冷露
凝痕。惺忪膩眼笑時
顰。半惱半憐君。秋寒入
夜涼初透。待零落。蕊盡
香存。何肯媚顏。堪矜傲
骨。高潔更無倫。

*優異獎

〈一叢花〉

江洋

趙聿修紀念中學

春深幽徑夜寒微。暗蝶弄
芳菲。風來漫度香塵路。
落紅裡、杜宇空啼。殘月
半明。蕭疏鬢影。人靜漏
聲低。憑闌惆悵那堪
悲。望斷黯魂歸。煙雲鎖
一庭愁雨。奈何嘆。流景
淒淒。應念去年。桃花柳
絮。雙燕舊巢飛。

〈一叢花·記福建土樓之行〉

何峻傑

嶺南大學

路迴遠上數峰峻。山寂曲
溪清。叢花未掩炊煙處。
過桑陌、別感鄉情。谷狹
地深。倚巒鱗帶。圍築土
牢城。磚牆矩內採華
明。圓拱屋檐精。堅樑疊
建三層室。比連戶。分立
居庭。族姓一宗。同營百
載。樓固若鑾廷。

〈一叢花〉

黃湛

嶺南大學

三更形役案燈前。疾筆夜
無眠。常思瑣碎浮生事。
總空為、白首銀錢。徒歎
羨魚。不如歸去。載酒任
舟偏。相酬知己有詩
篇。翰墨暢千言。臨溪月
靜霜泉逝。倚風唱。逸馬
青煙。樓鼓一聲。蒼然飄
雪。微覺冷雲穿。

〈一叢花〉

葉健威

香港中文大學

朝來驟雨洗長空。樓外掛
金虹。開軒欲覽天涯路。
卻還是、煙柳迷濛。詞句
易書。思情難訴。憑淚寄
征鴻。當時離別短亭
中。無語對飄紅。經年此
去應惆悵。舊遊地。淡月
清風。寒笛一聲。佳期夢
斷。何處覓芳蹤。

〈一叢花〉

羅光輝

鳳溪廖萬石堂中學

聲聲哀切不堪聞。煙雨又
黃昏。淒涼但恐芳菲盡。
更愁殺、幾許離人。春事
暮遲。殘英亂墜。流水葬
花魂。多情應是少年
身。悲恨總無因。東風未
解登臨意。卻誰問。新舊
啼痕。憔悴莫憐。聊牽晚
照。杯酒醉紅塵。

*排名按姓氏筆劃序